

U skladu sa članom 6. stav 1. Pravilnika o sadržaju pravila, uslovima i načinu priređivanja nagradnih igara ("Službene novine Federacije BiH", broj: 30/16, 63/19 i 67/23), na osnovu Rješenja Federalnog ministarstva finansija broj: UP-05-12-1-594/25 od 10.06.2025. godine, kojim se odobrava priređivanje nagradne igre i ova pravila nagradne igre, priređivač nagradne igre AGRAMINVEST d.o.o objavljuje

PRAVILA NAGRADNE IGRE

„U Agramu tehnički riješi, jer vikend na moru ti se smiješi!“

(naziv nagradne igre)

1. OSNOVNE INFORMACIJE O PRIREĐIVAČU NAGRADNE IGRE

Priređivač nagradne igre (u daljem tekstu: Organizator) je AGRAMINVEST d.o.o (naziv Organizatora), sa sjedištem u Mostaru, Vukovarska 1 (adresa sjedišta Organizatora), i (jedinstveni identifikacijski broj) JIB 4227724650006.

2. NAZIV NAGRADNE IGRE

Naziv nagradne igre je „U Agramu tehnički riješi, jer vikend na moru ti se smiješi!“.

3. TRAJANJE I SVRHA PRIREĐIVANJA NAGRADNE IGRE

- 1) Nagradna igra traje u periodu od 04.07.2025. do 04.07.2026., a priređuje se u svrhu promocije vlastitih proizvoda i usluga, povodom otvaranja nove suvremene Stanice tehničkog pregleda u Bihaću, na adresi ul. Trg maršala Tita 18.
- 2) Nagradna igra organizira se na teritoriji Federacije Bosne i Hercegovine.
- 3) Organizator će prije početka nagradne igre, objaviti Pravila nagradne igre u jednom dnevnim novinama dostupnim na teritoriji Federacije Bosne i Hercegovine, i navesti broj i datum Rješenja Federalnog ministarstva finansija, kojim je data suglasnost na ova Pravila.
- 4) Organizator će osigurati sve preduvjete tokom trajanja ove nagradne igre, kojima će u najvećoj mogućoj mjeri omogućiti obavezno izvlačenje dobitnika nagrada i podjelu cjelokupnog nagradnog fonda.
- 5) Organizator će nagradnu igru provesti pod uvjetima, koji su u skladu i sa drugim zakonskim i podzakonskim propisima i opštim moralnim načelima.
- 6) Za vrijeme trajanja nagradne igre, pravila su dostupna i na web stranicama: www.adriatic.ba i www.euroherc.ba i na facebook stranicama Adriatic osiguranje d.d. i Euroherc osiguranje d.d.

4. UVJETI UČESTVOVANJA U NAGRADNOJ IGRI

- 1) Pravo učešća u nagradnoj igri imaju punoljetna fizička lica, koja u periodu 04.07.2025.-04.07.2026. obave tehnički pregled vozila na novoj Stanici tehničkog pregleda u Bihaću, na adresi ul. Trg maršala Tita 18.
- 2) Svaki učesnik u nagradnoj igri može učestvovati ako nakon obavljanja tehničkog pregleda popuni kupon za nagradnu igru koji će dobiti od našeg službenika i isti ubaci u kutiju za učešće u nagradnoj igri. Učesnik ostvaruje pravo na po jedan kupon za svaki obavljen tehnički pregled vozila. Ako jedna osoba u periodu trajanja nagradne igre obavi više tehničkih pregleda ima pravo na jednak broj kupona koliko ima obavljenih tehničkih pregleda. Na kuponu se trebaju nalaziti kontakt podaci o učesniku nagradne igre i to: ime i prezime fizičkog lica koje učestvuje u nagradnoj igri, adresa, vrsta motornog vozila, broj police osiguranja, e-mail adresa i kontakt telefon. Učesnici su dužni popuniti sve ove podatke na kuponu. Dobitnici nagrada pružit će sve informacije i dokumente potrebne da bi se mogla primijeniti Pravila ove nagradne igre, kao i odgovarajući zakoni.
- 3) U nagradnoj igri ne mogu učestvovati uposlenici Organizatora, niti njihovi članovi uže porodice (bračni drug i djeca).
- 4) Učestvovanjem u nagradnoj igri učesnici prihvataju ova Pravila nagradne igre.
- 5) Svi učesnici učestvuju cijelo vrijeme trajanja nagradne igre.

5. NAČIN IZVLAČENJA DOBITNIKA NAGRADA

1) Javno izvlačenje dobitnika će se održati u četiri kola na dane: 06.10.2025., 05.01.2026., 07.04.2026. i 06.07.2026. U svakom kolu biraju se po dva dobitnika. Izvlačenje dobitnika će se obaviti na Stanici za tehnički pregled u Bihaću, Trg maršala Tita 18, na gore navedene dane/datume sa početkom u 12:00 sati.

2) Izvlačenje dobitnika će se odvijati tako da će se u svakom kolu izvući po dva dobitnika, a nakon toga će se izvući i alternativni dobitnici.

3) Za svaku nagradu izvlači se i po dva alternativna dobitnika, koji se smatra dobitnikom u slučaju da prvobitno izvučeni dobitnik ne ispunjava uvjete, odnosno ako to nije osoba koja je obavila tehnički pregled ili u slučaju da prvobitnog dobitnika nije moguće obavijestiti o osvajanju nagrade u roku od 8 dana, jer je naveo nepostojeću ili pogrešnu adresu ili kontakt telefon.

4) Svi učesnici koji su obavili tehnički pregled i predali kupone mogu prisustvovati izvlačenju nagrada kako bi se ispoštovali načelo javnosti i transparentnosti.

6. SASTAV KOMISIJE ZA IZVLAČENJA NAGRADA

(1) Organizator će imenovati Komisiju od tri člana, koja će nadgledati regularnost javnog izvlačenja dobitnika.

(2) O toku izvlačenja Komisija će voditi zapisnik koji će minimalno sadržavati:

a) mjesto, vrijeme i način izvlačenja dobitnika

b) broj i datum Rješenja Federalnog ministarstva financija,

c) datum i naziv medija u kojem su pravila nagradne igre objavljena,

d) imena i prezimena članova komisije,

e) imena, prezimena i adrese dobitnika

f) naziv i vrijednost nagrade pojedinog dobitnika.

7. FOND NAGRADA

1) Nagrade su Luksuzni vikendi za dvoje u Hotelu „Medora Auri Beach Resort“, od petka do nedjelje koji uključuje dva noćenja za dvije osobe sa doručkom i večerom, besplatan parking, ležaljke i suncobrane uz more i bazen. Nagrada se treba iskoristiti u roku šest mjeseci uz prethodnu rezervaciju. U pratnji mogu biti do dvije maloljetne osobe uz doplatu (u dvokrevetnoj sobi može se primiti još jedna ili dvije maloljetne osobe) uz pratnju roditelja ili staratelja ili uz njihovu punomoć. Organizacija se ne obavlja preko turističke agencije. Organizacija se obavlja preko organizatora nagradne igre. Dobitnik nagrade snosi troškove osiguranja i transporta kao i dodatne troškove koji tijekom vikend boravka mogu nastati u Hotelu Medora. . Pojedinačna vrijednost svake nagrade sa PDV-om iznosi 1.250,00 KM. Nagradni fond se sastoji od osam nagrada čija ukupna vrijednost iznosi 10.000,00 KM i to:

Kategorija i opis nagrade	Broj nagrada (količina)	Pojedinačna vrijednost nagrade sa PDV (KM)	Ukupna vrijednost nagradnog fonda Sa PDV (KM)
Luksuzni vikend za dvoje u Hotelu „Medora Auri Beach Resort“ od petka do nedjelje koji uključuje dva noćenja za dvije osobe sa doručkom i večerom, besplatan parking, ležaljke i suncobrane uz more i bazen,	8	1.250,00 KM	10.000,00 KM

<i>besplatno piće uz doručak i večeru</i>			
<i>Ukupna vrijednost nagrada sa PDV-om</i>			<i>10.000,00 KM</i>

2) Nagradni fond se ne može zamijeniti za novac. Dobitnik nema pravo zahtijevati drugačiju nagradu ili nagradu čija vrijednost prelazi iznos naveden u ovom članu Pravila.

8. NAČIN OBAVJEŠTENJA I OBJAVLJIVANJA DOBITNIKA NAGRADA

1) Dobitnici nagrada će pismenim putem u roku od 8 dana biti obaviješteni o osvojenim nagradama putem e-mail adrese i/ili sms poruke.

2) Rezultati nagradne igre i imena dobitnika nagrada biće objavljeni na dane izvlačenja na facebook stranicama i na i web stranicama Adriatic osiguranja d.d. (www.adriatic.ba) i Euroherc osiguranja d.d. (www.euroherc.ba)..

3) Ukoliko zbog okolnosti za koje nije kriv Organizator (dostavljeni pogrešni lični podaci od strane učesnika, učesnik se ne nalazi na navedenoj adresi, vanredne okolnosti i sl.), nije moguće obavijestiti dobitnike nagrada, Organizator će postupiti u skladu sa članom 11. Pravilnika o sadržaju pravila, uvjetima i načinu priređivanja nagradnih igara.

9. MJESTO I ROK ZA PODIZANJE NAGRADA

1) Dobitnici će preuzeti osvojene nagrade na Stanici za tehnički pregled u Bihaću, Trg maršala Tita 18, najkasnije 30 dana od dana prijema obavijesti o osvojenoj nagradi.

2) U slučaju da dobitnik/dobitnici ne preuzmu vaučer o dobivenoj nagradi, u roku od 30 dana od dana prijema obavijesti o osvojenoj nagradi, Organizator će postupiti u skladu sa članom 11. Pravilnika o sadržaju pravila, uvjetima i načinu priređivanja nagradnih igara.

3) Prilikom preuzimanja vaučera o dobivenoj nagradi dobitnik potpisuje izjavu o preuzimanju lično kod Organizatora.

4) Organizator je odgovoran za pravovremeno i točno informiranje učesnika u nagradnoj igri o njegovim pravima i obavezama kod preuzimanja nagrada. Odgovornost organizatora nagradne igre, ne prestaje u slučaju kada je dobitniku uručena nagrada koja predstavlja uslugu, a realizaciju iste vrši drugo lice (odgovornost snose i Organizator i Hotel).

6) Priređivač ne preuzima nikakvu odgovornosti za bilo kakvu štetu koja bi eventualno nastala kao posljedica nakon preuzimanja ili korištenjem proizvoda iz nagradnog fonda.

7) Porez na dohodak na nagradu ostvarenu učešćem u nagradnoj igri, obračunat će se u skladu sa propisima o porezu na dohodak. U slučaju da vrijednost nagrade podliježe obavezi plaćanja poreza, organizator preuzima obavezu plaćanja poreza na dohodak.

10. UVJETI POD KOJIM SE NAGRADNA IGRA MOŽE IZMJENITI, PREKINUTI ILI OTKAZATI

1) Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.

2) U slučaju prekida ili otkazivanja nagradne igre uslijed nastupanja vanrednih okolnosti, organizator će o navedenom obavijestiti Federalno ministarstvo financija.

3) Federalno ministarstvo financija daje suglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se traži dokazani od strane Organizatora ili općepoznati, a Organizator će učesnike o navedenom obavijestiti na isti način na koji su objavljena ranije odobrena pravila nagradne igre.

4) Ukoliko nagradni fond nakon završetka nagradne igre ne bude podijeljen učesnicima na način predviđen Pravilima ove nagradne igre (uslijed isteka roka za podizanje nagrada, nepostojanje dovoljnog broja

učesnika i sl.) ili zbog eventualnog prekida odnosno otkazivanja igre uslijed dejstva okolnosti koje imaju karakter više sile, organizator će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija navedenih u članu 17. stav (1) Zakona o igrama na sreću.

11. KORIŠTENJE LIČNIH PODATAKA

1) Učešćem u nagradnoj igri, učesnici potvrđuju prihvatanje ovih Pravila i daju suglasnost Organizatoru da prikuplja i obrađuje navedene lične podatke isključivo u svrhu provođenja ove nagradne igre i na način kako je to opisano u ovim Pravilima. Prikupljeni lični podaci koriste se za samo evidenciju Organizatora.

2) Organizator je odgovoran za obradu podataka u skladu sa propisima o zaštiti ličnih podataka, i poduzeti će sve potrebne mjere da bi se osiguralo sigurno korištenje i obrada ličnih podataka učesnika u nagradnoj igri i u skladu sa važećim propisima, a učesnici imaju pravo da budu informirani o činjenici da se podaci prikupljaju i da budu upoznati sa podacima.

3) Učesnik u nagradnoj igri je odgovoran za davanje tačnih podataka Organizatoru, u cilju provođenja ove nagradne igre.

4) Učesnici prihvatanjem ovih Pravila daju svoju suglasnost da, ako postanu dobitnici nagrada, organizator može proslijediti njihove lične podatke trećim licima (recepciji Hotela) isključivo u svrhu ispunjenja provođenja ove nagradne igre.

5) Svojim učešćem u nagradnoj igri učesnici su suglasni da, ako postanu dobitnikom nagrade, njihove lične podatke (ime i prezime) Priređivač može objaviti i iskoristiti bez naknade u štampanom, zvučnom i slikovnom obliku te videozapisu. Učesnici nagradne igre svojim učešćem pristaju na prikupljanje, upotrebu i objavu njihovih ličnih podataka navedenih u korisničkom profilu u promotivne svrhe povezane s nagradnom igrom i proizvodima koji su uključeni u nagradnu igru.

6) Organizator će lične podatke učesnika čuvati onoliko vremena koliko je to potrebno za potpunu realizaciju ove nagradne igre.

7) Učesnik može u bilo kojem trenutku povući svoju suglasnost za obradu ličnih podataka dopisom na adresu Organizatora, i prihvaća da takvo povlačenje suglasnosti uzrokuje nemogućnost daljnjeg učešća u nagradnoj igri.

12. NADLEŽNOST SUDA

1) Sve žalbe, prigovore i reklamacije rješava Priređivač nagradne igre. U slučaju opravdanih pritužbi, Priređivač se obavezuje da će ih otkloniti u najkraćem mogućem roku i obavijestiti učesnika.

2) Svi eventualni sporovi između Priređivača i učesnika odnosno dobitnika rješavat će se sporazumno.

3) U slučaju da spor nije moguće riješiti sporazumno, isti rješava materijalno nadležni sud.

Mostar, 03.06.2025.

(mjesto i datum)

Broj: 25280398

(broj protokola)

Potpis i pečat odgovornog

lica Organizatora

AGRAMINVEST d.o.o.

Direktor: Stjepan Martinović